



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Abbates Casine[n]ses quinto. cap. XIII.

urn:nbn:de:hbz:466:1-38372

Episcopus 7. & Prælatus 76. creatus an. 1355. die 17. mēsis Iulii, præfuit annis 2. mensib. 3. dieb. 7. Obiit anno 1357. die decimo. calend. Nouembris Neapoli, ibique sepultus est. Vacauit sedes dies aliquot.

Angelus de Pasta, Monachus Benedictinus, Episcopus 8. & Prælatus 77. creatus anno 1357. die 10. Nouembris, præfuit annis tribus, mens. 5. Obiit Casini anno 1361. die 3. Idus Aprilis, & ibidem sepultus est. Hic reædificauit Capitulum, Refectorium, Dormitorium, & Corpus Ecclesiæ. Vacauit sedes mensem vnum, dies 26.

Angelus de Vrsinis, Episcopus 9. & Prælatus 78. creatus ann. 1361. die 8. mensis Iunii, præfuit annis quatuor. Obiit anno 1365. die 7. idus Iunii, & sepultus est in Casino. Vacauit sedes menses aliquot. Quo mortuo considerans Urbanus Papa V. monasterio Casinensi nõ pauca incommoda, ac damna accessisse ob. Abbatiale dignitatem sublatam, eam iterum in integrum restituit, & Episcopalem prorsus extinxit, anno Domini 1365. Erunt ergo in posterum.

Abbates Casinenses quintò. Cap. XI II.



SANCYUS Urbanus Papa V. Abbas Casinensis 79. anno Christi 1365. Monasterium Casinense sub tutela, & patrocinio Apostolicæ sedis suscipiens illud per Procuratores suos administrauit an. 5. & mensibus aliquot. Obiit anno 1370. die 14. calend. Ianuarii, & Massiliæ in Monasterio S. Victoris sepultus est. Vacauit sedes menses aliquot.

Bartholomæus Senensis, Abbas 80. creatus anno 1171. eodem anno mortuus est ueneno, cum præfuisset uno mense solo, & sepultus est Casini. Vacauit sedes menses aliquot.

Andreas Fauentinus, Ordinis Montis Oliueti, Abbas 81. creatus anno 1371. die 20. Septemb. præfuit annis tribus. Obiit anno 1374. die 13. calend. Octobris, & in Capitulo Casinensi sepultus est. Hic plantauit Pastinum S. Honophrii, & construxit Ecclesiam Sanctæ Agathæ. Vacauit Monasterium annum 1. dies 3.

Petrus de Tarraris Romanus, Ordinis mōtis Oliueti, deinde Abbas S. Laurentii extra Urbem, postea S. R. E. Presbyter Cardinalis Reatinus, & Abbas Casinensis 82. a Gregorio Papa XI. creatus anno 1375. die decimosexto Septemb. præfuit annis 19. mensibus 8. diebus 19. Obiit anno 1395. pridie nonas Iunii: & Casini sepultus est.

Henricus Tomacellus Neapolitanus, olim Abbas S. Saluatoris in Thea-

Theate, Abbas 83. creatus anno 1395. die Nonarum Iunij: præfuit annis 24 plus minus. Obijt anno 1419. apud Spoletum vbi relegatus fuerat, & ibidem sepultus est. Vacauit sedes menses aliquot.

Pyrrhus Tomacellus Neapolitanus, Henrici Abbatis Nepos, Abbas 84. creatus anno 1419. mense Octobris: præfuit annis 18. Paulo ante mortem Abbatia priuatus, obiit apud Pontem S. Angeli, vbi vincetus tenebatur, anno 1437. ipsis calendis Nouembris, & ibidem in ecclesia S. Celsi sepultus est. Vacauit Monasterium, annos octo, menses sex, dies viginti tres. Nam Pyrrho Abbate ab Eugenio Papa. III. quod Spoletinam Arcem contra ipsius uoluntatem tenere & occupare presumpserat, anno 1437. in ordinem redacto, & in carcerem detruso, Monasterium Casinense gubernatum fuit per Priorem, & Subpriorem, annis octo, mensibus sex, diebus 23. vsque ad annum 1446.

Antonius Carafa Neapolitanus, Abbas 85. & ultimus, creatus anno 1446. die uigesimo quinto Maij, præfuit annis octo, mensibus octo, dieb. tribus. Obijt anno 1454. die primo Februarij & Casini sepultus est. Quo ex hac luce subtracto sacrum cœnobium Casinense in Commendam redactum, integro iubilæo in eo statu permansit, donec diuina operante uoluntate Vnioni & Congregationi S. Iustine de Padua, aggregatum fuit, vt infra patebit.

Commendatarij Casinenses. Cap. XIII.

Vno vire vis Scarampus Patauinus, Patriarcha Aquilegiensis, & S. R. E. Episcopus Cardinalis Albanus, Sacri Montis Casini primus Commendatarius, & Prælatus 86. creatus anno 1454. gubernauit annis plus minus vndecim. Obijt anno 1465. sexto Calendas Aprilis Romæ, & in ecclesia S. Laurentij in Damaso sepultus est. Vacauit Monasterium menses duos.

Paulus Papa. II. Barbus Venetus, Commendatarius secundus, & Prælatus 87. incepit, anno 1465. die 28. Maij, & gubernauit per legatos suos annis. 6. & mensibus duobus. Obijt Romæ anno 1471. quinto Calendas Augusti, ad S. Petrum sepultus. Vacauit Monasterium mensem. 1. dies tres.

Ioannes de Aragonia, filius Regis Ferdinandi, Neapolitanus, S. R. E. Presbyter Card. T. S. Sabinæ, Commendatarius tertius, & Prælatus